

diesem / bald jenem heydniſchen König ſchändlich dienen vnd vnterhan
ſenn miſſen: welches ihnen auch begegnet zum Zeiten der Könige / ſo offtz
ſie Gott vnd ſeine Wohlthaten auß der acht gelassen / biß endlich die Daby-
loniſche Gefängnuß darauff erfolget.

Nun dieſes alles iſt vns / die wir im neuen Teſtament leben / zum
Fürbild geſchehen vnd zur warnung auffgeſchrieben / wie der Apo-
ſtel redet *1. Cor. 10.* Die leibliche vnd zeitliche Erlöſung der Iſraeliten auß
der ſchweren Dienſtbarkeit vnd Gefängnuß Egypti / wie auch von andern
ihren Feinden vnd Verfolgern *ist* ein typus vnd Vorbild geweſen der
geiſtlichen ewigen Erlöſung deß ganzen menſchlichen Geſchlechts auß
dem Reich vnd Gefängnuß deß Teuffels / der Sünden / deß Todts / der
Hölln vnd ewigen Verdammuß: welche Erlöſung geſchehen iſt durch
den eingebornen Sohn Gottes vnſern Heiland Chriſtum Jeſum / der
nicht bloß vnd ohne gnuzſame bezahlung vns erlöſet hatt / ſondern thewer
erworben vnd erkaufft: nicht zwar mit Gold oder Silber / ſondern
mit ſeinem heiligen thewren Blut / vnd mit ſeinem vnſchuldi-
gen Leiden vnd Sterben / damit wir ſein eigen ſeyn / vnd in ſei-
nem Reich hinauro vnter ihm leben vnd ihm dienen mögen in
ewiger Gerechtigkeitz / Vnſchuld vnd Seeligkeit.

Ferner / daß Gott der Herr im alten Teſtament von den Juden
ſo ernſtlich gefordert / daß ſie der Ausführung vnd Erlöſung auß dem
Dienſthauß Egypti ſtetig eingedenet vnd dafür danckbar ſeyn ſolten /
auch / da ſie ſolches vntertaffen / hefftig wider ſie gerürnet / vnd ſie mit
ſchweren Straffen heimgesucht hatt / damit iſt adumbirt vnd angeden-
tet worden / daß alle die jenigen / die der ewige Sohn Gottes auß der
geiſtlichen Dienſtbarkeit vnd Gefängnuß deß Teuffels erlöſet / ſolche
große Gutthat in ſtetigem Gedächtnuß haben / vnd mit dem Herzen
mit dem Munde vnd mit der That ſich dafür danckbar erzeigen ſolten /
vnd ſolches ſo viel ernſtlicher vnd eiveriger thun / ſo viel thewrer vnd
herrlicher dieſe geiſtliche Erlöſung iſt / als jene zeitliche vnd leibliche:
dann ja frenlich die geiſtliche Erlöſung vnmäßlich vnd vnzehlich vielmal
thewrer vnd herrlicher iſt / als die zeitliche Ausführung auß Egypten /
zum theil wegen der hohen Perſon / durch welche ſie ohne mittel geſchehen /
die da iſt der ewige Sohn Gottes / zum theil wegen deß köſtlichen Löſe-
geltis / welches iſt ſein / deß Sohns Gottes / thewres roſinfarbes Blut /
zum theil wegen der groſſen menge derer / denen die Erlöſung zu gut ge-

Sfff

ſchehen /

1. Cor. 10.

Quæ res
imago eſt
ſpiritualis
redemptio-
nis per
Chriſtum
Ieſum.

Wir danken
Pro qua
ut Chriſti-
ani grati
ſint, can-
demq; fir-
ma me-
moria cu-
ſtodiant,
ſeruo cu-
pit.

Iheſus